

ATHLETIC. Azken jardunaldi bietan lortutako garaipenei esker, UEFAko lekuetan kokatu da talde zuri-gorria. Emaizak aldekoak izan arren, oraindik ere «lan asko» dagoela egiteko iritzi dio Heynckesek. Momentuz, bide onetik doaz.

Egin bariko taldea

Gorabeherak egotea normala dela dio Heynckesek, «taldea sendotu bitartean»



JOSU ETXEBARRIOSTE

Heynckesek atzo loreak besterik ez zituen izan Joseba Etxeberriarentzat.

Haritz Gallastegi | BILBO

Alavesen eta Celtaren aurka lortutako garaipenei esker Europar jokatzeko postuetan kokatu da Athletic. Azken jardunaldietako emaitza onei esker lehenengo jardunaldietako ilusioa berpiztu da zaleen artean. Hala ere, Jupp Heynckesek badaki Liga oso berdindua dagoela, eta beraz, behar asko egin beharko dela goiko postuetan jarraitzeko. «19 puntu lortu ditugu dagoeneko. Ligan finkatzen lagunduko digute puntuok. Dena de-

la, lan asko dugu egiteko», azaldu zuen Heynckesek.

Orain zuria dena beltza zen duela aste gutxi. Izan ere, Athleticen denetarik erakutsi du Ligan. Partida txukunak ahazteko moduko norgehiagokekin tartekatu ditu. Heynckesen iritziz taldea egin gabe dago, eta ondorioz, normala da gorabeherak izatea. «Taldea honek iaz ez zuen maila ona eskaini. Talde bat sendoa izateko, beti sailkapeneko goiko lekuetan egotea, indartsua izan behar da le-
ro guztietan, Deportivoen an-

tzera», azpimarratu zuen zuri-gorrien entrenatzaileak.

Egun ezin ei zaio Athleticen emaitzarik eskatu. Hezi gabe dauden jokalariek «gazte asko» omen daude taldean: «Taldekoko jokalariek batzuk hezi egin behar ditugu. Jokalariek bat eginda egoteko nazioarte mailako 25 partida jokatu behar dituzte, gutxienez. Bestela, lehenengo mailan urte askotan jokatuakoa izan behar da, Larrazabalen eta Urrutiaren antzera».

Hala ere, lesioak eta zigorrek tarteko, jokalariek gazteak zelai-

ESANAK

JUPP HEYNCKES

(Athleticeko entrenatzailea)

«Taldea bat indartsua izateko, goiko lekuetan ibiltzeko, sendo agertu behar da lerro guztietan»

«Jokalariek batek eginda egoteko nazioarte mailako 25 partida jokatu behar dituzte gutxienez»

«Etxeberria gustuko dut. Talde handi bateko entrenatzailea banintz fitxatu egingo nuke»

ratu beharrean egon da Heynckes. «Eurengan konfiantza osoa izan dezakedala erakutsi dute», gaineratu zuen.

David Karankaren gainean ere ondo berba egin zuen alemaniarrek. Hala ere, hankak lurrean edukitzeko eskatu zion. «Davidek ondo jokatu zuen. Orain arte, ordea, 25 minutu bakarrik jokatu ditu. Lasai egon behar da», nabarmendu zuen entrenatzaileak.

Etxeberriaren jarrera, «eredugarria»

Gazteen ekarpenak taldea sendotzen laguntzeaz gain, jokalariek «ordezkaezinik» ez dagoela erakutsi du. Joseba Etxeberriarena da adibide argiena. Aurrelari internazionalak aulkitik ikusi behar izan ditu azkenengo partida biak. Hala ere, bere jarrera positiboa izan da uneoro. «Zelairatu denean ipini duen gogoa eta borondatea izugarriak izan dira. Oso gustuko dut Etxeberria. Talde handi bateko entrenatzailea izango banintz fitxatu egingo nuke», esan zuen Heynckesek, «halaber, Urrutia, Alkiza, edo Orbaiz aulkian utzi ditudanean ere naturaltasunez hartu dute. Jarrera hori ona da taldearentzat», gaineratu zuen alemaniarrek.

MOTZEAN

REALA

Beteranoen taldeak Urrutiren omenaldian jokatu du gaur

Klub txuri-urdineko beteranoen taldea sendotzen ari da, eta gaur bertan Sitges-en (Katalunia) Javier Urrutikoe-
txea Urruti-ren omenez jokatu den Munduko Kopan hartu du parte, Bartzelona, Espanyol, Boca Juniors, Chelsea, Corinthians Paulista, Errusia eta Sitges taldeetako beteranoen aurka. Finala igandean jokatu da.

LESIOAK

Osasuna. Yanguasek haustura txiki bat du eskuin zangoko aduktoaretan, eta hila-bete beharko du zelaietara itzultzeko.

Alaves. Eggen, Desio, Kike eta Geli ez daude sasoi-
ko Gasteizko taldean.

Athletic. Larrazabalek luza-pena dauka ezker hankako izterrean. Ezkerrok kolpe bat dauka ezker hankako bel-
launean. Alkizak oster-
a, su-
karra dela-eta ez zuen entrena-
tu. Ociok eskuin hankako orkatilan bihurritua du.

Reala. Alejandro lau hilabetez egongo da jokatu ezinik.

ENTRENAMENDUAK

Reala. Anoetan arituko dira txuri-urdirak, 18:30ean.

Alaves. Atsedean eguna dute Maneren jokalariek.

Athletic. Gaur goizean Lezaman arituko dira zuri-
gorriak, 10:30ean.

Osasuna. 10:30ean arituko dira Taxoaren gorritxoak.

PARTIDUAK

Deportivo-Reala. Espainiako Lehen Mailako 13. jardunaldia etzi 21:30ean (ETB1).

Alaves-Celta. Espainiako Lehen Mailako 13. jardunaldia, igandean 17:00etan (PPV).

Athletic-Vila-real. Espainiako Lehen Mailako 13. jardunaldia, igandean jokatu da 17:00etan (PPV).

Malaga-Osasuna. Espainiako Lehen Mailako 13. jardunaldia, igandean jokatu da 17:00etan (PPV).